

Արձակ, Պատմվածք

16+

ՎՐԹԱՆԵՍ ՓԱՓԱԶՅԱՆ

ԱՄՊԵՏ

...«Մի անգամ մի գորեղ ասպետ,— պատմում է միջնադարյան մի վեպ,— սիրեց մի իշխանուհու։ Թողեց հայր ու մայր, թողեց տուն ու տեղ, հեծավ իր նժույգ, առավ իր նիզակ և եկավ կանգնեց իր իդեալի ամրոցի տակ։

Բայց,— ասում է վեպը,— աղջիկը քարասիրտ էր. ամրոցի մոտ գիշեր-ցերեկ կանգնած ասպետին թողեց անուշադիր և չխղճաց անգամ։ Ասենք, ասպետը գութ չէր, որ ուզում էր, այլ միմիայն սեր։ Նիզակը ցցեց ժայռի մեջ, ձին կապեց հսկա կաղնուն և համառությամբ սպասեց ամիսներ ու տարիներ...

Աղջիկը նրան չսիրեց։ Նա սիրտ չունեց, ոչ ոքի չէր սիրում. ամենքին հուսահատեցրել էր և ետ դարձրել, ամենքին մերժել էր և սրտերը հոշոտել։

Ասպետը լուռ ու համառ՝ մնաց ամրոցի տակ։ Ջյունն ու քամին, արևն ու խորշակը նրան անդդովելի գտան. սպառնալիք ու անոթություն նրան չընկճեցին...

Եվ նա նվիրվեց։ Միրեց, սիրեց... ու մեռավ։

Ու երբ մեռնում էր, խնդրեց աստծուց միմիայն, մի բան այնպես անել, որ դիակն իսկ իդեալից անբաժան մնար։

Եվ աստված լսեց նրան, քարացրեց դիակն ու ձին, ասպարն ու նիզակը՝ ամրոցի կողքին։

Այսպես, ասպետը սիրեց և քարացած՝ հավիտյան մնաց իր իդեալին մոտ։

Միրեց, սիրեց... ու քարացավ...»։

Կարդաց օրիորդը, լռեց ու մտախոհ՝ աչքը գրքից չհեռացրեց։

— Վերջացա՞վ,— հարցրին մի քանի ձայներ։

— Այո, վերջացավ,— պատասխանեց ուսուցիչը և նայեց ամենքին։

Մի բոպե ոչ ոք չխոսեց։

Այդ պատահում էր Կովկասի շքեղ ամառանոցներից մեկում, մի հարուստի տան սրահի մեջ, ուր հավաքվել էին տանուտերը, տանտիկիներ, նրանց հարսը, երկու աղջիկները և իրանց ծանոթ մի ուսուցիչ, որ մի քանի օրով հյուր էր եկել։

Տանուտերը հասակավոր մարդ էր, կնճռալից, բայց աշխույժ դեմքով. տանտիկիներ նույնպես հասակավոր էր ծանր, ազնիվ գեղեցկությամբ կին։ Բայց նրա աչքերը փակվում էին և նա հազիվ լսում էր։ Կարդացողը մեծ աղջիկն էր։ Հետաքրքրությամբ լսում էին միայն տանուտերը, հարսը և փոքր աղջիկը։

Հինգ օր էր, որ ուսուցիչը հյուր էր: Ճաշը, որ վերջանում էր հազիվ ժամը 4-ին, տեղի էր ունենում պատշգամբում, հետո նրանք հավաքվում էին մեծ սրահը և քանի ուսուցիչը այնտեղ էր, տանուտերը կամ հարսը խնդրում էին նրան մի բան ընտրել կարդալու այս կամ այն գրքից և մինչև թեյի ժամանակ, նրանք խոսում էին կարդացածի մասին և օգտվում ուսուցչի բացատրություններից:

Տանուտերը ամենից ավելի հետաքրքիր, ամենից ավելի ուսումնասերն էր երևում. կարծես մի գանձ էր ձեռք ձգել և անդադար հարցեր էր տեղում ուսուցչի վրա: Գիտենալ էր ուզում. ցանկանում էր ծերության ժամանակ գոնե ճաշակել գիտությունից այն բոլորը, ինչ որ երիտասարդ հասակում, առևտրական գործերի մեջ ընկած լինելով, չէր կարողացել անել:

Հարսը, տանտիրոջ կրտսեր եղբոր կինը, ուսել էր մի ժամանակ և այժմ, չնայելով, որ մի քանի որդոց տեր էր, դեռ շարունակում էր կարդալ. մի լավ խոսակից էր, կյանքի դառն փորձառությունը նրան դարձրել էր զգուշավոր, լռակյաց, բայց հասկացող: Զարգացած էր, և կյանքը նրան ավելի էր զարգացնում: Նա էլ հետաքրքրվող էր և սիրում էր զարգացած մարդկանց հետ խոսել, կարծիքներ փոխանակել:

Մնում էին երկու օրիորդները: Երկուսն էլ միջնակարգ դպրոցի աշակերտուհիներ էին. մեկը կիսատ էր թողել և այժմ մասնավոր դասեր էր առնում, իսկ մյուսը դեռ շարունակում էր դպրոց հաճախել:

Տանտիկինը միշտ ննջում էր. մի քիչ լուռ և ապա աչքերը փակվում էին, գլուխը խոնարհվում և մի քանի բուրբուխների մեջ, հաճախ երազներ էր տեսնում:

— Բայց ինչ է ուզում ասել այդ զրույցը, — խոսեց վերջապես տանուտերը, — ես չհասկացա... թեև շատ լավ զրույց էր:

— Իսկ դուք, տիկին, — դարձավ ուսուցիչը հարսին: Տիկինը կարմրեց և վարանելով ասաց.

— Ես... թվում է, թե հասկացա. բայց էլի մութ կողմեր են մնում ինձ համար: Միայն մի բան ըմբռնում եմ, որ ասպետը սիրեց, սիրեց և համառությամբ մեռավ, չբաժանվելով իր սիրածից:

— Սիրեց, սիրեց և քարացավ... — ասաց օրիորդը մտախոհ:

— «Քարացավ» բառը այստեղ չպետք է հասկանալ, որ նա անզգա դարձավ, — խոսեց նորից հարսը, — այլ որ նա քարի պես հաստատուն մնաց և միշտ իր սիրածի մոտ:

— Այդ ճիշտ է, — ասաց ուսուցիչը, — ինձ էլ թվում է, թե այդպես պետք է հասկանալ:

— Վսեմ սեր, — գոչեց տանուտերը հիացած:

— Միայն միջնադարյան ասպետները ընդունակ էին այդպես սիրելու, — ասաց մեղմ ձայնով հարսը, — այժմ այդպիսի սեր չկա:

— Սոնան իրավունք ունի, — պնդեց տանուտերը, — այժմ այդպիսի սեր չկա, մեր ո՞ր երիտասարդը, — ավելացրեց նա ծիծաղելով, — լուռ ու խոնարհ կմնա ամբողջ տակ, ձյունի և քամու, արևի և խորշակի մեջ անդորովելի, համառ և տոկուն... Դրա կեսն իսկ ընդունակ չէ անելու որևէ երիտասարդ:

— Եվ եթե անել սկսի, — խոսեց նրա մեծ աղջիկը, — կծիծաղեն. կասեն՝ կեղծում է. սանտիմենտալ, Դոն-Քիշոտ կկոչեն:

Ուսուցիչը միշտ ժպիտը դեմքին՝ լուռ նայում էր խոսողներին և սպասում, որ ամեն ոք իր կարծիքն ասի: Հարսը՝ տիկին Սոնան, այդ նկատեց. դարձավ նրան և հարցրեց.

— Իսկ դուք, պարոն Վահան, դուք ի՞նչ կասեք:

— Ինչի՞ մասին, տիկին:

— Ձրույցի: Դո՞ւք էլ այդպես եք հասկացել:

Ուսուցիչը լրջացավ: Ամենքը նրան նայել սկսեցին:

— Ոչ,— ասաց նա ծանր շեշտով,— ես այդպես չեմ հասկանում: Ձրույցը մի այլաբանություն է: Ինչու մտածել, որ նրա գրողը ի նկատի է ունեցել միմիայն սերը դեպի կանայք: Եվ իսկապես, ինչպես մտածում է ձեր տագրը, մի՞թե մեզնից որևէ մեկը ընդունակ է մի աղջկա սերը գրավելու համար՝ մնալ ամրոցի տակ, ձյունի և քամու, արևի և խորշակի մեջ անտրտունջ. և հետո, անձնանվիրությունը այնքան առաջ տանել, որ չկամենար դիակն իսկ հեռացնել աղջկանից... Ոչ, ես զրույցի միտքը այդպես չեմ հասկանում: Հիշեցեք այն խոսքերը, թե՝ «Թողեց հայր ու մայր, թողեց տուն ու տեղ, հեծավ իր նժույգ և եկավ կանգնեց իր իդեալի ամրոցի տակ»: Իր իդեալի, որին նա սիրեց և ժայռացած՝ չհեռացավ նրանից... Իդեալը աղջիկն է, սեռական այդպիսի սերը: Արժե՝ արդյոք այդքան համառությամբ նվիրվել մի եսամոլ, լոկ իրան գոհացում տվող նպատակի... Թողնենք խնդրեմ այդպես սերը, ուր աղջիկը սիրում է «հերոսություններ» ունենալ տղայից և դրա համար էլ տղան ձևանում է կեղծ հերոս, կեղծ ասպետ, քանի դեռ աղջկան ձեռք չի ձգել. ուր ոչ մի կողմից չկա անկեղծ ասպետական ոգի, այլ միմիայն կեղծ մեծախոսություններ և ստություններ...

Տանուտերը բարձրաձայն քրքջաց:

— Այ, լավ է ասում վարժապետը, շատ ճիշտ է ասում,— գոչեց նա:

— Տանտիկինը վեր թռավ վախեցած և հարցրեց, թե ինչ էր եղել:

— Ոչինչ, ոչինչ,— ծիծաղեց տանուտերը:— Դե, այ կնիկ, ուզում ես քնել, գնա քնիր, էլի... Ինչ ես նստել ու մեզ երկրպագություններ անում միշտ: Երևի երազ էլ տեսած կլինես:

— Հա, տեսա,— ժպտաց տանտիկինը ամաչելով,— բայց էլ չեմ քնիլ, խոսեցեք:

Ու նորից աչքերը փակվեցին:

— Այո,— շարունակեց ուսուցիչը,— զրույցի միտքը այդ սերը չէ, նա ավելի բարձր բան է ասում: Նա ակնարկում է այն անհողորդոդ ասպետին, որ դիմանալով ցրտի, տաքի, անոթության հալածանքի, կռվում է վատ հանգամանքների դեմ, չէ ընկճվում, չէ հուսահատվում և իդեալին է ծառայում մինչև վերջին շունչը... Ձրույցը մի իդեալիստի պատմություն է անում:

Բոլորը լուռ և կես զարմացած՝ լսում էին երիտասարդին, որ գրեթե թաղված բազկաթոռի մեջ՝ գլուխն էր միայն երևցնում և բոցափայլ աչքերը սևեռում լսողների վրա:

Տիկին Սոնան հետաքրքրությամբ դիտում էր նրան, իսկ աշակերտուհին — մեծ աղջիկը, մի տեսակ պատկառանքով և լարված ուշադրությամբ՝ աշխատում էր ոչ մի բառ չփախցնել խոսածներից:

Ահա այդպիսի դրության էր հասել խոսակցությունը, երբ սրահի դուռը ուժգնությամբ բացվեց և դռան շեմքի վրա հայտնվեց միջահասակ մի մարդ, շատ ճաշակով հագնված, ժպիտն երեսին, ձեռքերը տրորելով:

— Բարեւ,— ասաց նա և գլխարկը դրեց սեղանի վրա,— երևի դարձյալ փիլիսոփայությունով եք զբաղված, հա՞: Ես ձեզ չեմ խանգարիլ և մի քիչ կլսեմ... Խրիստաֆորը, բանը չեկա՞ն, Սոնա,— դարձավ նա կնոջը:

— Չեն եկել,— ասաց տիկին Սոնան,— որտե՞ղ էիր դու:

— Մերգեյի մոտ. գոռով ճաշի պահեց. հիմա ուր որ են՝ կգան... Մենք ձեզ չենք խանգարիլ. դուք վիճեցեք, իսկ մենք պատշգամբում մի քիչ կխոսենք:

Ապա ոտքի ելավ, դուռը կիսովին բաց արավ և ձայնեց դեպի դուրս՝ աղախինին:

— Մարիա, ա Մարիա... խաղասեղանը դուրսը դիր... Գիտես, Սոնա՛... դարձավ նա իր կնոջ,— այդ Խրիստաֆորը ինձ դադեց երեկ. հարյուր ռուբլի տարավ: Ինչ մարդ եմ, եթե այսօր այդ փողը չհանեմ նրանից... Բայց ա՛խ, մոռացա, որ ձեզ խանգարում եմ,— դարձավ նա բոլորին,— ներեցեք, խնդրեմ,— և շարունակեց,— մինչև սողերանց գալը ես էլ կլսեմ:

— Իսկ ես կերթամ քիչ կքնեմ,— ասաց տանտերը ոտքի ելնելով: Ապա կնոջը դարձավ և ավելացրեց.

— Գնանք, այ կնիկ. գնանք. աչքերդ բաց անել չես կարողանում:

Հետո երկուսն էլ դուրս ելան:

— Ինչի՞ մասին էիք խոսում,— հարցրեց տիկին Սոնայի ամուսինը անհոգությամբ կես պառկելով օթոցի վրա:

Տիկինը դեմքը քիչ կնճռեց կարմրեց, հետո ճիգ գործելով իր վրա, բռնագրոսիկ ժպիտով ասաց.

— Վարդուհին մի պատմություն կարդաց և դրա մասին էր:

— Պատմություն... հետաքրքիր է. ի՞նչ պատմություն:

Տիկինը համառոտակի պատմեց գրույցը:

Ամուսինը լսեց ժպտալով և երբ վերջացրել էր, ասաց.

— Հը՛ւմ, ա՞յդ է բոլորը: Այդ ասպետը երևի խենթ է եղել. գրույցի գրողն էլ՝ խելքը պակաս: Մարդ էլ ցրտին ու քաղցին դիմանալով անտրտունջ կանգնած մնա և մեռնի՝ թե ինչ է, մի աղջիկ է սիրում... Էլ ինչ սեր, երբ մարդ մրսում է կամ սոված է... Հը՛ւ, պարոն վարժապետ,— դարձավ նա ուսուցչին,— դու փիլիսոփա ես, դու ավելի լավ կհասկանաս:

Եվ այդ բոլորը նա խոսեց այնպիսի կես-հեգնական ու անհոգ կերպով, որ ուսուցիչը, վիրավորված՝ մի րոպե ակնարկը դարձրեց և դեմքը կնճռած մնաց: Հինգ օր էր միայն, որ ծանոթ էր այդ մարդու հետ և արդեն հեգնվում էր:

Բայց հանկարծ նա շարժվեց, աչքերը սևեռեց հեգնողի վրա և կծու ձայնով պատասխանեց.

— Եթե դուք, պարոն, նստած եք ձեր խաղասեղանի առաջ, որի համար եք միայն ապրում, և ձեր հակառակորդը ձեր քսակը դատարկում է, դուք ինչ եք անում. ընկճվո՞ւմ եք, թե ավելի կատաղաբար շարունակում, մոռանալով կին, որդի, մարդավարություն կամ մարդկություն...

— Ա՛, այդ ուրիշ բան,— ծիծաղեց պարոնը, իբր թե չհասկանալով ուսուցչի կծու խոսքերի միտքը,— այդ ուրիշ բան, ես փիլիսոփա չեմ և ոչ էլ ուսուցիչ. կնստեմ և կաշխատեմ փողս ետ առնել. այդ

ուրիշ բան. այստեղ փողի բան է, հանաք բան չի: Ես չեմ հանգստանա, մինչև որ հակառակորդիս չհաղթեմ... Այ, Խրիստաֆորը ինձ այնպես դադեց, որ, եթե էլի տասը բռնեմ չեմ, կառքը կնստեմ և կերթամ իր գյուղից քաշ կտամ կրեթեմ:

— Ինչ որ դուք անում եք խաղի համար,— ասաց ուսուցիչը շեշտելով,— կան մարդիկ, որ անում են աղջկա, իդեալի համար:

— Հը՛մ... համաձայն եմ. աղջկա համար կարելի է, բայց ես չեի անիլ փողի բան չե՞. փող որ ունենաս, ոչ մի աղջիկ չի դիմանալ...

— Կարապետ...— ձայնեց տիկին Սոնան հանդիմանական կերպով և հետո կարմրած՝ ուսուցչին նայեց:

— Ես ու իմ աստվածը՝ որ ճիշտ եմ ասում,— շարունակեց Կարապետը ցինիկաբար ծիծաղելով,— փողի բան է. աղջկա համար՝ փողը:

— Իսկ եթե մեկին սիրում ես, որ փողի կարոտ չէ...— գոչեց Վարդուհին,— և որի զգացմունքները փողով գնել չէ կարելի...

— Դու էլ փիլիսոփա ես դարձել, Վարդուհի,— ծիծաղեց Կարապետը,— վարակվել ես ուսուցչից: Բայց դու կյանքը դեռ չես ճանաչում. ապա մեկ հարուստ ու հազարներ ունեցող երիտասարդ եղիր և տեսնենք ո՞ր աղջիկը քեզ կմերժի, ով աղջիկ չի տալ քեզ: Փողի առաջ ոչինչ չի դիմանալ, օրիորդ: Որ փող տային այդ գրույց գրողին՝ ուրիշ երգ կերգեր... Ես գուցե անախորժ բաներ եմ ասում,— դարձավ նա իր կնոջը և ուսուցչին,— բայց կյանքից եմ խոսում. իսկ դուք ինչ-որ միշտ երկնքից եք թռչում:

Իդեալ, զգացմունք... չգիտես ինչ... Դատարկ խոսքեր են դրանք. մի քիչ կյանքի մարդիկ եղեք... Ապա, Մարիա (ասաց նա ներս մտնող աղախնին), գինի՞ ես բերել, լավ, շշի խցանը հանիր. պտո՞ւղ էլ կա... լավ... դեհ, պարոն վարժապետ, համեցեք... Սոնա, հոգիս, ինչ ես դեմքդ երկարացրել. ասածներս քեզ դուր չեկան. ոչինչ, խմիր, քեֆդ կբացվի...

Հետո ոստնեց օթոցից ցած, լցրեց մի բաժակ գինի, ժպտալով նայեց բոլորին մի ումպով դատարկեց: Տիկին Սոնան մի արհամարհոտ շարժում գործեց և վշտացած դեմքով՝ ոտքի ելավ:

— Հը՛մ,— շարունակեց Կարապետը նորից պառկելով օթոցում,— տեսնում եմ, որ դուք թոնում էիք՝ ես ձեզ ցած բերի... Ներողություն, եթե ձեզ ախորժելի է միշտ թռչել, կյանքից դուրս՝ երազել, համեցեք, ես ձեզ չեմ խանգարիլ. ես կլսեմ միայն: Իմացեք, սակայն, որ վերջ ի վերջո բոլորդ էլ ցած եք ընկնելու... Իդեալը ոչ տաք սենյակ է տալիս, ոչ փող և ոչ էլ սիրած աղջիկ...

— Խնդրեմ լռիր,— գոչեց տիկին Սոնան սաստիկ նեղացած:

— Լավ, լավ. ես կլռեմ, դուք խոսեցեք... Հա, ի՞նչ էիր ասում, պ. վարժապետ, ասում էիր, որ կան զգացմունքներ, որոնց փողով չէ կարելի գնել... Վարդուհին էր ասում կարծեմ... որ կան իդեալներ, որոնց համար պետք է անոթի մնալ, մրսել, մեռնել... Եվ որ այդ հիմար ասպետը, զժի պես ցցված մնալով ամբողջ դռան առաջ ու քարանալով՝ մի իդեալական հերոս է... Հըմ, հըմ... խոսք չունիմ... Բայց շարունակեք. ես կլռեմ այլևս:

Ապա մի քրքիշ արձակեց, աջ ձեռքը բերնին դրեց, ավելի հանգիստ ոտները պարզեց և հեգնորեն՝ սպասեց:

Մի բոպէ լռություն տիրեց:

Ուսուցիչը, որ արհամարհոտ սառնությամբ նրան էր նայում, լռությունը խզեց, ուսերը թոթվեց և դառնալով տիկնոջ ու օրիորդին՝ ասաց.

Ես շարունակում եմ... և կրկնում, որ գրույցի ակնարկը սեռական սերը չէ. նա ակնարկում է այն հերոսին, որ ամեն նեղություն հանձն առնելով՝ կքարանա իր իդեալի մեջ և նրան կգոհվի առանց տրտունջի. նա ակնարկում է առաջադիմության, գիտության այն հերոսներին, որոնք գոհել են տունուտեղ, մինչև վերջին շունչը գործել են, հաճախ անոթի մնացել, հալածվել ու մեռել հանուն իրանց նպատակի: Մարդիկ նրանց «խենթ» են անվանել, ցնորված, վատասերված համարել. և սակայն այդ իսկ խենթերն ու «ցնորվածներն» են, որոնց դիակների վրա են ամրացել մեր այժմյան համեմատական լավ կյանքի միջոցները. Ամեն գաղափար գոհ է պահանջում. և, ինչպես ասում է Նիցշեն՝ «Ինչ փույթ իմ անձը — այդպես դեվիզ պիտի ունենա գրած իր դրան վրա ապագայի մարդը»...

— Մի խենթ էլ այդ մարդն է, որ այդպես է ասել,— ծիծաղեց Կարապետը: Հետո, երբ նկատեց կնոջ բարկացկոտ հայացքը, վրա տվավ.

— Ախ, ներողություն, մոռացա, որ իրավունք չունիմ խենթ անվանելու ձեր խելոքներին...
Շարունակեցեք, ես ավելի լավ է դուրս կերթամ... երևի այժմ Խրիստաֆորն էլ կգա...

Ասաց ժպիտը դեմքին՝ ելավ, վառեց հանգած սիգարը, ծաղրորեն բարևեց և դուրս գնաց:

II

Ձով, լուսնկա գիշեր էր:

Պատշգամբից ցած — դեպի խորությունը սփռվող թանձր անտառի մեջ՝ անշշուկ լռությունը կատարյալ էր: Հեռուն միայն, հաչում էին մի քանի շներ և լսվում էին ամառանոց եկողների երգերը: Դրացի հարուստի բաց լուսամուտից մեկ-մեկ դուրս էր ժայթքում դաշնամուրի անճոռնի հնչյուն և ապա մի շան ոռնոց, որ շղթայից կապված՝ գանգատվում էր կապի և ականջ հարստահարող ձայների դեմ:

Եվ այդ բոլորի մեջ՝ հանկարծ լսվում էին խաղասեղանի առաջ նստող խաղամուղների կանչերը:

— Հինգ մանեթ ունի՞ս, Կարապետ,— գոռում էր Խրիստաֆորը:

— Ադա, բաս էդքան էլ մեռանք,— ավելի բարձր աղաղակում էր Կարապետը,— կուգես՝ տասն արի. թուղթ ուզիր դու, թուղթ...

Բանկը Կարապետի մոտն էր և եռապատկված: Նա թղթադրամի կույտը ձախ թնով պաշտպանելով, աջովը՝ ուզողին թուղթ էր տալիս:

Խաղացողները չորս էին. նրանց լուսավորում էր օճորքից իջնող մի մեծ լապտեր:

— Չէ, հինգ եմ գալիս,— ասաց Խրիստաֆորը,— դեհ, թուղթ բաց արա:

Կարապետը ձգեց մի խաղաթուղթ:

— Տասը մանեթս տուր, շուտ,— բացականչեց Խրիստաֆորը ուրախությամբ,— էս քեզ բուբնու տասը:

— Ը՛մ ես քո...— կրճտեց ատամները Կարապետը,— էլի սկսեցիր դադել ինձ: Քսանի հետ ինչպե՞ս ես:

— Չէ, ախպեր, եղբանի գոռ չունեմ ես:

— Վախկոտ ես, է՛ է՛, վախկոտ... ջոմարտություն չունիս:

— Ես գալիս եմ քսանը,— մեջ մտավ երրորդ խաղացողը:

— Դո՞ւ,— ծիծաղեց Կարապետը ուժգնությամբ դառնալով դեպի խոսողը:

— Դեռ թուղթ տուր, տես ինչպես բանկո ցրիվ տամ. թուղթ տուր:

— Մեկ սրան նայեք, է,— քրքջաց Կարապետը,— բանկս ցրիվ կտաս... Ահա քեզ թուղթ:

Եվ ուժգնությամբ սեղանի վրա խփեց մի խաղաթուղթ: Ինժեներ խաղացողը նայեց իր թղթին, դեմքը կնճռեց և լռությամբ հանելով տասանոցներ՝ դրավ Կարապետի առաջ:

— Ըտենց, հա՛ ա՛...— գոչեց վերջինս,— էդ քեզ խրատ բանկը ցրիվ տվողիս նայեք մեկ...

Այսպես տաքացած՝ խաղում էին նրանք: Տիկին Սոնան փորձեց մի քանի անգամ խնդրել նրանց խաղը վերջացնելու, առարկելով, որ լավ գիշեր էր դաշտ գնալ զբոսնելու... Բայց ով էր լսողը. ամենքը ոգևորված էին թղթախաղով:

— Է՛հ,— արեց տիկինը հուսահատաբար,— խո ամառանոց չենք եկել. կարծես խաղատուն լինի. ամեն երեկո հոգիներս հանում եք ձեր խաղովը:

— Դե լավ, լավ, Սոնա ջան,— գոչում էր նրան Կարապետը,— արի նստիր դու էլ. բանկը քեզ կտամ. լավ փող կա, հա...

Սրահում ուսուցիչն ու օրիորդները թեյ էին խմել և վճռել էին զբոսնելու դուրս գնալ: Տանտերն ու տանտիկինը չէին կամենում մասնակցել զբոսանքին և երբ տիկին Սոնան մի քանի անգամ փորձելուց հետո ամուսնուն էլ տանելը տեսավ, որ իզուր էր, սրահ մտավ և ասաց ուսուցչին.

— Մենք գնանք, պ. Վահան, իզուր է. ոչ ամուսինս է ուզում խաղը թողնել և ոչ էլ մյուսները. մենք գնանք:

— Երկու օրիորդներն առին ծածկոցները և առաջ ընկան, իսկ տիկին Սոնան և ուսուցիչը նրանց ետևից՝ փողոց ելան:

— Դեպի բլուրը, չէ՞,— դարձավ Վարդուհին մյուսներին:

— Դեպի բլուրը.— պնդեց տիկին Սոնան,— այնտեղ միշտ լավ է. կնստենք դալար խոտերի վրա և աղմուկներից հեռու՝ քիչ մաքուր օդ կվայելենք:

Ուսուցիչը լռությամբ քայլում էր տիկնոջ կողքից, հենած իր ձեռնափայտի վրա: Տիկինը, դեռ բարկացած՝ երբեմն ետ էր նայում դեպի տուն և երբ բավական քայլել էին, ասաց.

— Ճշմարիտ, ավելի լավ էր ամառանոց չգնալ. միշտ աղմուկ, միշտ հյուր, առավոտից մինչև երեկո ուտել, խմել, խաղալ և ոչ մի պտույտ չանել... ինչ կյանք է այս:

— Դուք երբեք չե՞ք խաղում,— դարձավ նա հանկարծ ուսուցչին:

— Երբեք, տիկին... Իսկ դուք:

— Խաղում եմ: Սովորեցրին ինձ. և երբ խաղընկերը պակասում է, ես եմ լինում չորրորդը:

— Եվ անշուշտ հաճախ է լինում այդ:

— Այո, հաճախ. շատ էլ զվարճություն չեմ զգում, բայց այժմ վարժվել եմ:

— Ափսոս,— արեց ուսուցիչը,— ձեզ էլ փչացրել են:

— Ինչպե՞ս,— զարմացավ տիկինը,— մի՞թե, ձեր կարծիքով, խաղալ՝ նշանակում է փչանալ... Շատ խիստ եք դուք:

— Խիստ չեմ,— ասաց ուժգնությամբ ուսուցիչը,— ես դեռ մեղմ ասացի, կուզեք ավելի խիստ կասեմ:

— Խնդրեմ...

Երկու օրիորդները քիչ մոտ եկան. այժմ չորսը միասին սկսեցին քայլել: Մտել էին մի ծառուղու մեջ, որի վերջին ծայրումն էր գնալիք բլուրը:

— Ես ոչ մի հատկություն չեմ ճանաչում,— խոսեց ուսուցիչը,— որ թղթախաղի չափ անբարոյականացնող լինի:

Թղթախաղը անբարոյականություն է և բոլոր մյուսներից վատթարը:

— Օ՛հ,— ժպտաց տիկինը,— դուք ծայրահեղ արտահայտություններ շատ եք սիրում. երեկ էլ նույն ուժգնությամբ պնդում էիք, որ համբերությունը ամենագծած հատկություն է և որ դուք նրանից ստորացնող հատկություն չեք ճանաչում:

— Նույնը և այսօր պնդում եմ, տիկին: Մտածեցեք քիչ: Եթե համբերությունը լավ հատկություն լինի, ուրեմն ոչխարները և էշերը պիտի լինին ամենաառաքինի արարածները: Բայց այդպիսի առաքինությունը տանում է դեպի այնպիսի դրության, որ եթե մարդկությունն ամբողջ այդպես առաքինի լիներ, երբեք չէր հառաջադիմիլ և զարգանալ: Համբերությունը մահացնող, ապշեցնող և ողորմելի բույս դարձնող մի հատկություն է, որ հին բարոյախոսների ոչխարային հակումների արդարացնողն է եղել և որ ստրկային փիլիսոփայությունից է ծնունդ ստացել...

— Այլանդակ բարոյախոսություններ եք անում,— ծիծաղեց տիկինը,— այժմ մյուսը տեսնենք: Ասում էիք թղթախաղը անբարոյականություններից վատթարն է: Փաստեր տվեք:

— Խաղամուլի վիճակը ինքնին մի՞թե փաստ չէ: Նա կորցնում է իր ժամանակը, բթացնում լավ հակումները, թմբեցնում ուղեղը, քարացնում սիրտը: Մի խոսքով, նա ընկերությունից խլում է մի անձի և ապականում նրան՝ մարդկության, ընտանիքի և ընկերների համար: Նա դառնում է մի ավտոմատ, որ միմիայն խաղի վրա է մտածում, կողոպտել երագում, ժամանակը սպանել տենչում... Այդ բոլորը կատարվում է նրա մեջ անզգայապես, բայց կատարվում է անխուսափելի կերպով: Խաղամուլը կորած մարդ է. և խաղը՝ մեկից ավելի անձերի մեջ մեղցրել է ամեն լավ

հատկություն... Մի խաղաք, տիկին, եթե չեք ուզում ավելացնել փչացած, ողորմելի անձերի թիվը մեկով ևս...

Տիկին Սոնան մի բարկացած շարժում արեց և ոչինչ չխոսեց:

— Այս խոսքերը ձեզ նեղացրի՞ն, — հարցրեց ուսուցիչը:

— Ոչ, — ասաց տիկինը, — միայն դուք տարօրինակ եք դատում. ամեն ինչ գունավորում եք, չափազանցում, խոշորացնում...

— Ուրիշ խոսքերով՝ ես այլանդակ մտքեր եմ հայտնում:

— Այո... Դուք ձեր դատողություններով ինձ հիշեցնում եք այդ միջնադարյան ասպետի ծայրահեղ վարմունքը... Դուք սակայն ավելի տեսական, խոսքի մարդ եք թվում ինձ, քան գործի... Չնեղանաք: Ես նկատում եմ, որ դուք էլ մեր այժմյան բոլոր հայ ուսում առած երիտասարդների նման՝ տեսականորեն իդեալիստ եք, ոգևորվող, տեսական ասպետ և ուրիշ ոչինչ... Գործնականում կասկածում եմ... այդքան գունավոր և փքուն խոսողներից միշտ հակառակ գործեր եմ տեսել... Դուք վիրավորվեցիք, ներեցեք ինձ...

— Չեմ վիրավորվում, ոչ, տիկին. բայց ցանկալի էր, որ ավելի ընդլայնեիք ձեր դատափետությունը:

Նրանք հասել էին բլրակին:

Մի հրաշալի բարձրություն էր դա, որի ստորոտից տարածվում էր ծառաշատ մեծ դաշտը. հորիզոնի վրա անտառ ու լեռներ, մի կողքին, լուսնի լույսի տակ՝ շողշողուն գետակը, հեռուն, մշուշի մեջ երևացող գետեզրի կրակներ և ապա մի խաղաղ լռություն՝ կանաչ արոտների վրա, ուր եկան նստելու զբոսնողները:

— Հոգնեցի ես, — ասաց տիկինը և նստեց:

— Արժեր կառք նստել և գետեզրը գնալ, — դիտել տվավ Վարդուհին:

Ոչ ոք չպատասխանեց: Ուսուցիչը տեղ բռնեց տիկնոջ կողքին և երբ պահ մի լուռ էին բոլորը, ասաց.

— Ես սպասում եմ, տիկին...

Տիկինը ցնցվեց, քիչ դաշտը դիտեց, թաշկինակով քրտինքը սրբեց, ճակատը զով գեփյուռին տվավ և ասաց.

— Գիտեմ, ես էլ խիստ խոսեցի: Բայց վաղուց է, որ իմ մեջ կուտակվում է մի այնպիսի զայրույթ, որ գոյանում է, երբ տեսնում եմ անդադար միմիայն խոսքի մարդիկ: Մարդիկ, որոնք սքանչելի կերպով խոսում են, դատում այս-այն խնդիրը, մարդիկ, որոնք իդեալիստ, անձնագոհ և այլն են միմիայն խոսքերով և որոնցից ոչ մեկը գործնականում այն չէ, ինչ որ խոսում է: Իմ կյանքում տասնյակ համալսարանականների, տասնյակ ուսում առած գրավիչ, համակրելի երիտասարդների եմ հանդիպել, որոնք սքանչելապես ոգևորությամբ խոսել են բարձր մտքերի մասին, իդեալի համար շքեղ խոսքեր են որոնել իրենց հիացումը և խանդը արտահայտելու, որոնք թշվառների դրության մասին խոսելիս՝ հուզվել են, իրենք իրենց հայտարարել նրանց պաշտպան, որոնք մեծ ընդունակություն են ցուցաբերել իրենց դատողությունների մեջ, երբ խնդիրը վերաբերել է ընկճվածների դրությանը... Կարդացել են, նկատել, նկարագրել են սրտահույզ մանրամասնությամբ ամեն թշվառություն, հմուտ բժշկի մասնագիտությամբ պատկերացրել են

վիշտը այնպես, որ ես մի ժամանակ գրեթե սիրահարվում էի նրանց վրա... Երբ դարմանի, գործելու մասին են ճառել, ոգևորել են, բորբոքվել, էքստազի հասել, ոսկյա երազներ, ցնորքներ պատկերացրել... Բայց, երբ այլևս ամեն նոր հանդիպածի ցույց են տվել իրենց, երբ շատ կրկնելուց իրենք էլ զզվել են և երբ մի նյութական հաջողության մեջ ընկած՝ ստամոքսնին են լցրել — այլևս մոռացել են, որ թշվառներ կան, որ իդեալներ գոյություն ունին. և մինչ իսկ իրենք, այդ իրենք սկսել են զրկել, հարստահարել, գոփել ապա իրենք իրենց արդարացրել:

«Ես խոսել չգիտեմ, ներեցեք ինձ. չեմ կարողանում արտահայտել, թե ինչպես այդ բոլոր «խոսքով» իդեալիստները հանկարծ դառնում են ամենափչացած հարստահարողներ և ստամոքսը պարարելուց բացի, ուրիշ ոչինչ իդեալ չեն ունենում...

«Մեր քաղաքում, օրինակ, տասնյակներով կա. ձեզ կարող եմ անուններ իսկ տալ: Այդպիսիները, եթե խոսեցնեք, դեռ իդեալների մասին կճառեն, դեռ թշվառների համար կհառաչեն. բայց գործնական կյանքում՝ յուրաքանչյուր բոլոր դրժում են իրենց ասածները... Զզվել եմ այլևս. այժմ ինձ վրա տպավորություն չեն թողնում բարձր մտքերի արտասանությունները. այժմ այլևս ծաղր է շարժում, երբ խոսում են անձնագոհության, իդեալների մասին... Այո, այդ խոսքերը ծաղրաշարժ են դարձել այլևս...

«Եվ հիրավի, ինչ անուն կտաք այն մարդուն, որ կանանց — մանավանդ գեղեցիկ կանանց — հասարակության մեջ կլարվի երկու ոտքերի վրա և տենդային ոգևորությամբ կճառի հավասարության մասին, իսկ կյանքի մեջ նա ավելի ճարպիկ լրբությամբ կզրկի բոլորին, կգոյացնի անարդարություններ... Հերիք է մեզ կերակրեք ձեր տեսական ասպետություններով. մենք շատ ենք լսել. գործնականում ցույց տվեք, որ դուք բոլորդ կարող եք «սիրել, սիրել և նվիրվել, սիրել ու «քարանալ»... Ցույց տվեք մեզ այդ. ճառերն ավելորդ է»...

Հետո հանկարծ լռեց և կարմրած՝ զգաց, որ շատ էր առաջ գնացել: Օրիորդներն իսկ զարմացած դիտում էին իրենց լռակյաց, ծածկամիտ և զգուշավոր համարված հարսին:

— Ես շատ եմ խոսում... — շարունակեց մեղմությամբ տիկին Սոնան՝ առանց ոչ ոքի նայելու, — դուք մի կարծեք, պ. Վահան, որ ձեզ էլ հաշվում եմ այդ խոսողների կարգում: Ես ձեզ դեռ չեմ ճանաչում, գործի մեջ չեմ տեսել... Բայց դուք լավ եք խոսում. ձեր ծայրահեղ դատողությունները իրենց սրությամբ՝ տպավորություն են թողնում... Բայց ես այս բոլորը ասացի, որովհետև այս բոլորիս դուրս եկանք այն տնից, ուր խաղասեղանի մոտ նստել են երեք համալսարանականներ, որոնք դեռ մի տարի սրանից առաջ՝ ձեզնից ավելի խիստ խոսքերով դատափետում էին խաղամոլներին և ոգևորությամբ ճառում իդեալների մասին... Այժմ տեսնում եք բոլորը ողորմելի մարդիկ են դարձել և նույն ոգևորությամբ ու տենդային հուզմամբ ողջունում են «բուբնու ասին», երբ նա երևան է գալիս...

Եվ լռեց: Պահ մի անշշուկ լռություն, մի հեռավոր լռություն տիրեց, որից հետո լսվեց մի հեռավոր խուլ դղրդյուն:

— Վերին գյուղից մի կառք է գալիս, — ասաց փոքր օրիորդը, որ միշտ նայում էր մոտակա գյուղի՝ բլրակի կողքով անցնող ճանապարհին:

Քիչ հետո փոշու նոսր ամպի մեջ երևաց մի կառք, որ հանդարտությամբ բարձրանում էր:

Լուսնի լույսի տակ՝ երևում էին չորս անձեր: Մեկը ձեռքի գոեհիկ նվագարանով ածում էր, երկրորդը՝ երգում, իսկ երկուսը սաստիկ հարբած, շորերը անկարգ, գլխարկնին ծուռ դրած՝ սաստիկ երերում էին կարքի հետ:

— Հարբածներ են,— ասաց Վարդուհին:

Կառքը հետզհետե մոտենում էր և հասնում նրանց նստած տեղից 10—15 մետր հեռավորությունից անցնող ճանապարհի կեսին:

— Վայ...— բացականչեց հանկարծ Վարդուհին,— Խաչատուրովն է, Սոնա, նայիր, ինչպես հարբել է, քիչ է մնում կառքից ցած գլորվի:

Կառքն անցավ, քերեց բլրակի կողքը և արագությամբ գլորվելով՝ անհետացավ մյուս կողմը:

— Հինգ րոպեի չափ երգը և երաժշտությունը դեռ լսվում էր հեռվից:

— Մյուսներին էլ ճանաչեցի,— ասաց փոքր օրիորդը,— մեկը Սարգիսովի տղան էր, երկուսն էլ՝ Բադալովները...

— Գիտեմ,— գլուխը շարժեց տիկին Սոնան:

Հետո մեկեն դարձավ դեպի ուսուցիչը և հարցրեց.

— Դո՞ւք էլ ճանաչեցիք: Մեկին միայն...

— Սարգիսովին, չէ՞...— ժպտաց տիկինը,— համալսարանական է նա էլ. կարծեմ հենց միասին եք ուսել... Տեսական ասպետ էր և լավ տեսակի. իմ սրահը երբեմն թնդում էր նրա ոգևորված ձայնից. ինձ մոտ հավաքվող օրիորդները գրեթե բոլորը գրավվել էին նրանով... Հետո, մի հարուստ աղջիկ գտավ, մեծ գործ սկսեց... և կոմեդիան վերջացել էր... Տեսնում եք, ահա, թե ինչ ընկերներ է ընտրել և ինչպես է նվիրվում գաղափարների:

Ասաց և բարձրաձայն ծիծաղելով ոտքի ելավ:

Ուսուցիչը լուռ, հուզմամբ ընչացքն էր ոլորում:

— Այժմ տուն գնանք, բավական է, ասաց տիկինը և քայլեց:

Ու երբ բլրից իջած՝ մոտենում էին տանը, նորից երևացին պատշգամի վրա նստած խաղացողները, և առաջին ձայնը, որ հասավ ուսուցչի ականջին՝ համալսարանական Խրիստաֆորի հնչեղ աղաղակն էր.

— Բուբնու ասն եմ բաց արել, 100 մանեթը իմն է, բանակը ցրիվ տվի, հուռռա՛ ա՛...

Ընթրիքից հետո երկար նստեցին:

Ուսուցիչն այլևս տրամադրություն չէր ցույց տալիս խոսելու, կարծես հոգնել էր: Եթե հարց չէին տալիս՝ լուռ էր. երբ խնդրում էին մի բան բացատրել, կարճ, թույլ և միաձայն՝ արտասանում էր մի քանի նախադասություն և լռում:

Մի տեսակ մտախոհական կնճիթներ ակոսել էին նրա ճակատը և ամեն անգամ, երբ պատշգամից լսվում էին խաղացողների ձայները, այդ ակոսները շատ ավելի խորանում էին:

Խաղացողները ընթրեցին, բայց իսկույն նստեցին խաղը շարունակելու. և որովհետև զիջերը սկսեց խոնավանալ, սեղանը ներս տարան սրահը:

Տանուտերը, ուսուցիչը և մյուսները անցան մի ուրիշ սենյակ, ուր դրված կար մի հին պոչավոր դաշնամուր:

Վարդուհին նստեց նվագելու: Հին դաշնամուրը, տարիներով նստած ամառանոցային տների մեջ — անտառային լռության գրկում, ստացել էր մի այնպիսի մելամաղձոտ, տխուր և խուլ ձայն, որ միացած օրիորդի՝ զգացմունքով նվագած կտորների սիրտ ճնշող հնչյուններին, ուսուցչի վրա նորօրինակ մի տխրություն իջեցրին:

Դաշնամուրի պոչին կոթնած՝ լռելայն լսում էր, ակամայից, կարճ պատասխաններ միայն տալով տանտիրոջ անհատնում հարցերին այս կամ այն նյութի վերաբերությամբ:

Տիկին Սոնան նկատում էր ուսուցչի տրամադրությունը և դրա համար էլ լուռ էր: Տանտիկինը գնացել էր քնելու, իսկ փոքրիկ օրիորդը, իր մանկական գրավիչ ժպիտը դեմքին՝ քրոջ կողքին նստած, գրավվել էր երաժշտությամբ:

Մի ինչ-որ էլեգիա էր նվագում,— մի տխուր, մրմնջող, հառաչող էլեգիա, որի մեռնող խաղերը աղիոդորմ ու խուլ հնչյուններով դուրս էին սահում հին դաշնամուրի կրծքից և գնում թրթռալու մեծ ու բարձր սրահի խավար խորշերում:

Նվագողը նույնպես ընկել էր նվագի տպավորության տակ. գունատ, շուրթերը դողդոջուն, ակնարկը տարածության մեջ՝ ձեռքերը մեղմորեն սահեցնում էր լեզվակների վրա:

Էլեգիան բխում էր որպես մի բուռ արցունք, որպես հառաչանքների մի սրտապատառ արտահայտություն...

Տանուտերը դադարեցուց հարցերը. նա էլ պահ մի լռեց, հետո մեղմիկ դուրս սահեց սենյակից, թողնելով, որ մյուս սրահում գոռացողների ձայների կույտը մի բուռ ներս մտնե՝ դիտոնանս պատճառելու:

Ուսուցիչը շտապեց դուռը փակելու. էլեգիան վերջանում էր: Վերջին խազը երկար, երկար թրթռաց: Ո՛չ նվագողը շարժվեց, և ո՛չ՝ լսողները. ու հետևող բուռի լռությունը շատ ավելի խորություն տվավ խաղի թրթռման, որ մրմունջով անհետանում էր հեռվում: Թվում էր, թե սենյակը մեծացել էր, անհուն տարածություն ստացել...

— Տխուր է... — ասաց վերջապես տիկին Սոնան անշարժ և խորունկ ձայնով:

— Այո,— մրմնջաց ուսուցիչը,— ձեր դաշնամուրը հառաչում է, սիրտ կրծում...

— Վարդուհին ելավ, փակեց դաշնամուրը և ասաց.

— Հոգնած կլինեք, պ. Վահան, գնացեք քնելու:

Ուսուցիչը ոչինչ չպատասխանեց. լռությամբ բարևեց բոլորին և գնաց:

Նրան տվել էին մի փոքրիկ սենյակ՝ մեծ սրահի կողքին: Այնտեղ մի դռնակ տանում էր դեպի սենյակի առաջ շինած փոքրիկ պատշգամբ, որ նայում էր գյուղի ճանապարհի վրա:

Մտավ, մի բուռ ակնապիշ նայեց վառվող մոմին, հետո հարդյա թիկնաթոռը հանեց պատշգամբի վրա, նստեց այնտեղ գլուխը հենած աջ ձեռքին, սկսեց դիտել առջևը բացվող տեսարանը:

Պատշգամին բոլորովին կից՝ լերկ բակն էր, ապա մեծ ճանապարհը՝ ամայի, լռիկ. նրանից հետո հեռուն, անտառի սկզբում, լեռան ստորոտի վրա մի ամառանոց, որի լուսամուտի մեջ առկայծում էր մշուշից աղոտած ճրագի լույսը:

Նրանից վեր՝ փռվում էր դալար, անշշուկ անտառը և մագլցում ու ծածկում կլոր, հարթ և բարձր լեռը, որ լուսնկայի տակ շողշողում էր, թողնելով ծառերի բների տակ մի խոր անթափանց մթություն:

Ոչ մի շշուկ. ոչ մի մոտավոր ձայն. խաղացողները փակել էին լուսամուտները և այժմ այլևս չէին գոռոռում:

Շրջակայքում խաղաղ գիշեր էր. ամեն ոք քնել էր. շների ձայն իսկ չէր լսվում, և հսկա լեռան անտառը անշարժ, հարթ ու խորհրդավոր՝ գրավում էր ամբողջ հորիզոնը: Ինչ շքեղ լեռ, որպիսի միայնություն նրա բարձրության վրա, որպիսի հանդարտ, անշշուկ վայր՝ հանգչելու և երազելու...

— Ունենալ այնտեղ, բոլորովին բարձր գագաթի վրա, անտառի խորության գրկում թաքնված մի խրճիթ, գնալ թաղվել նրա մեջ, լուսնկային ընկողմանել դալար խոտերի վրա, ցերեկը հեռու մարդկային ընկերության մեջ մտնելուց, իջնել ոլորապտույտ անտառի միջով և շաբաթը մի քանի անգամ գալ էլեգիաներ լսելու, գալ այդտեղ թարմանալու և նորից դեպի վեր, դեպի իր մենարանը, իր լռիկ ու խաղաղ անկյունը, իր գրքերի ընկերության մեջ, իր ներքին աշխարհի, իր երազների հետ:

Եվ տեղի հեռավորությունն ու մենակությունը պիտի ստիպեր նրան ավելի սակավ մտածել ցած իջնելու՝ մարդկանց մեջ մտնելու, պիտի վարժվեր միայնության և հեռու մարդկանցից, ինքն իր մեջ ամփոփված բոլորովին...

Բայց ինչ օգուտ ուրեմն այդ բոլորից. ինչու այդպես խույս տալ մարդկանցից, ինչու առանձնանալ, փախչել, իր ներքին աշխարհով միայն ապրել, ինչու երազել մենակ... Ծնվել էր դրա՞ համար, ուսել էր դրա՞ համար: Չէ՞ որ ուսումը շեշտել էր նրա մեջ իր նմաններին ծառայելու, նրանց նվիրվելու և նրանց համար գործելու ծարավը:

Եվ ահա, այժմ, մի տիկնոջ սուր խոսքերը, մի հին դաշնամուրի կուրծքից դուրս նետվող էլեգիան՝ կասեցնում էին նրան ու մղում դեպի միայնություն, դեպի բուդդայական երազողություն և մոռացություն...

Ինչո՞ւ այդքան շուտ հուսաբեկվել. դեռ ոչինչ չարած դեռ չենթարկված այն բոլորին, ինչ որ կրել և ինչից որ մաշվել էին իրանից շատ ավելի գորեղ մարդիկ — մտածում էր խույս տալ, դասալիք լինել...

Ո՛չ, այդ անտառը, այդ անշարժությունը, այդ մենակությունը իր համար չէր: Նա սիրել էր եռուն կյանքի մեջ մտնել, անշարժ չմնալ, երազել էր ամբողջ խանդով նետվել հասարակական ասպարեզը, երազել է և իրեն ընդունակ զգացել գործելու...

Ա՛խ, գործել, գործել... Այդ բառը որքան անորոշ, որքան անշրջանակ, եթերային բառ էր եղել իր համար:

Գործել — բայց ինչպե՞ս և ի՞նչ, որտե՞ղ և ի՞նչ նպատակով:

Գործել խոսելով, միայն դաս տալով...

Եվ ահա մի տիկին, մի սալոնական տիկին այնպիսի կծու ապտակ հասցրեց տեսականորեն գործողին, որ նրա մեջ այժմ այլևս ամոթ էր գոյանում այսուհետև էլ խոսելու...

Եվ իրավ, չէ՞ որ ինքը և իր նմանները գործել բառը միշտ փոխանակել են խոսել բառով և գոհացել են միմյանց խոսելով, միմյանց ճառերով. և այդ ճառերը այժմ այնքան գռեհիկ են դարձել, որ ծաղրվում են, զզվեցնում...

Խոսել: Այո, խոսել է շառլատանը, խոսել է կարիերիստը, խոսել է մամուլը, խոսում է հարուստ աղջիկ որոնող ուսանողը, խոսում է գինու շշի առաջ նստած արբեցողը, խոսում է նաև հարստության ետևից ամեն տեսակ միջոցներով վազող երիտասարդը...

Եվ խոսքը դարձել է զենք՝ ստամոքսը ճարպացնելու, հարստություն դիզելու, փառքի տիրապետելու, գործած անիրավություններն արդարացնելու, ոսկեզօծելու...

Ամենքը խոսում են և ոչ ոք չի անում այն, ինչ որ սիրում է ոգևորությամբ խոսել:

Էլ ինչ կար զարմանալու, որ մի սալոնական տիկին հասկացել էր, թե խոսողների գործերը չեն համապատասխանում մտքերին. ինչ կար վիրավորվելու, եթե այդ կինը և նրա նման շատերը, և գուցե ուրիշ շատերն էլ՝ զզվել են «բարձր մտքերից», իդեալի մասին արված ուռուցիկ ճառերից...

Սկսեց ամոթ զգալ: Ինքն էլ ահա մի քանի տարի էր, որ խոսում էր, ուսուցանում միայն. և ինչեր ասես չէ խոսել: Դեռ նոր էր, որ ոգևորված ճառում էր իդեալին զոհվելու մասին, ընտրել էր այդ ասպետի գրույցը, որպեսզի կարողանար խոսել նրանից և մի անգամ ևս ճառել, «իրեն ցույց տալ» ուրիշների, հիացնել տալ և այն էլ կանանց հասարակության մեջ...

Ոչ, իհարկե. չէր ցզվել երկու ոտքի վրա, ձեռքերով օդը չէր ծեծել ճառելու ժամանակ, բայց ոգևորվել էր. բայց մի տեսակ սնոտի հպարտություն էր զգացել, երբ նկատել էր, որ կարող էր բարձր մտքերի վրա ճառել և հիացումն հնձել...

Որքան ողորմելի դրություն... Խոսքը, իդեալն իսկ զենք շինել ցուցամոլության...

Ա՛յդ էր իր ձգտումը, դրա՞ համար է համալսարան գնացել, դրա՞ համար էր կյանքից դառնություններ կրել և զիտությունից պաշար ձեռք բերել...

Ասենք նա ուսուցիչ էր, նաև գրող, ուսուցել էր, գրել էր... Եվ միմիայն խոսելով, այդ միևնույնն է, նա խոսել էր բերնով կամ գրչով՝ միմիայն խոսել...

— Բուբնու ասը... Բանկը իմն է...

Լսվեց հանկարծ այդ խուլ ոռնոցը, որ իր բարձրությամբ դուրս թռավ սրահի պատերից և եկավ դառնացած ուսուցչի մտածություններին բախելու:

— Ահ, բուբնու ասը... — մտածեց նա խորին վշտով, — այո, ահա թե ուր կարող էր տանել միմիայն խոսելու և խոսելով բավականանալու դրությունը... Եվ երբ այլևս ես էլ, ամեն նոր հանդիպածի ցույց կտամ ինձ, երբ ինքս կձանձրանամ իմ կրկնած ուռուցիկ բառերից, երբ ինձ լսողները կտեսնեն, որ խոսող մեքենա եմ միայն և ուրիշ ոչինչ ես էլ երևի պիտի իջնեմ կանաչ սեղանի առաջ և ոռնոցներով ողջունեմ «բուբնու ասի» երևալը...

Ճնշված սրտով, դառնացած՝ ուսուցիչը երկու ձեռքերով սեղմեց այրվող ճակատն ու մոմռաց.

— Ինչ անել... ինչպես անեմ, որ գործեմ, գործեմ...

Հանկարծ, իր գլխի վերնից մեղմությամբ բացվեց երկրորդ հարկի մի լուսամուտը, հետո լսվեց մի ձայն, որ կարողում էր.

«... Մենակ չէր ճանապարհ ընկնելիս: Նրա հետ շատերը կային, նույնպես խելագարներ: Որ նրանք իսկապես խելագար էին այդ շուտով բոլորի համար պարզ, անվիճելի դարձավ: Գնալիս նրանք երդվեցին չվերադառնալ յուրայինների մոտ, մինչև անձամբ չփորձեին և չկրեին տանջվողների և նեղյալների բոլոր ցավերը, մինչև չենթարկվեին նրանց հալումաշ անող վերքերին — չընկերանային նրանց կսկիծներին, զգային նրանց վշտերն ու ակնկալությունները:— Ու գնացին...»

— Ինչ է այս... — սկսեց լսել ուսուցիչը հետաքրքրությամբ, — ինչ է կարողում օրիորդը:

Վերի հարկի սենյակը տիկին Սոնայինն էր: Երևի նրանք նստել էին այնտեղ և Վարդուհին մի գրույց էր կարողում: Բայց ինչ գրույց էր. այդ ինչ «խելագարներ» էին, որոնք երդվում էին գնալ անձամբ փորձելու տանջվողների կրած վշտերը, անձամբ ընկերանալու նրանց կսկիծներին:

Օրիորդը շարունակում էր: Ուսուցիչը ելավ, կոթնեց պատշգամի ճաղերին և լարեց լսողությունը:

«... Դա մի երկար, փշոտ, խաչակիր ճանապարհ էր, — կարողում էր Վարդուհին, — նրանք գնում էին գյուղերը, մտնում աղքատության մեջ... ուրիշների հետ տանջվում էին»...

Այլևս չլսեց: Տղամարդու մի ձայն ընդհատեց ընթերցանությունը և ասաց.

— Սոնա, փակիր լուսամուտը, խոնավություն է ներս գալիս:

Տանուտերն էր, նա էլ բարձրացել էր լսելու:

Լուսամուտը դորդյունով փակվեց:

Որտեղ էր կարդացել այդ բոլորը:— Խելագարներ, որոնք թողնում էին ամեն հանգստություն և գնում էին ուրիշների հետ տանջվելու...

Ահ, հիշեց: Դա մի ռուս գրող, Զլատովրատսկու «Խելագար» գրույցն էր: Ժողովրդին մարգարիտներ տանող խելագարի պատմությունը. մի խելագար՝ խելագարների խմբից ելած: Խումբը հոգնել էր առաջ գնալուց. մեծ մասը վերադարձել էր. մյուսները կորել էին՝ ինչպես լուղորդներ՝ անեզր և անդնդախոր ծովում, իսկ այդ մեկը, հալածված, ծեղացած, սակայն ձեռքը միշտ իր կրծքի վրա թաքցրած ճշմարիտ մարգարիտների վրա ունենալով՝ հասել էր նպատակին և մեռել էր ասելով. «Այս մարգարիտներ են, որ հանեցի ժողովրդյան ծովի խորքերից... դրանք նրա հարության և փրկության գրավականներն են... Արժանի եղեք վերադարձնելու դրանց՝ ժողովրդյան իրեն՝ փառքի և հաղթանակի պայծառությամբ»...

Այո, դա «խելագարն» էր, ժողովրդի համար գործող ասպետը, որ չէր կամեցել անշարժ մնալ և միայն խոսքերով բավականանալ, որ գնացել էր գործելու, գնացել տանջվելու նրանց հետ, նրանց համար և անձամբ փորձելու նրանց կսկիծները, նրանց վշտերը... Նա հալածվել էր, ծաղրվել, հոգնել. բայց իդեալին հավատարիմ՝ մեռել էր «մարգարիտները» ամուր սեղմած սրտի վրա...

Մեկեն մի լույս ցոլաց ուսուցչի մտքի մեջ:

Դառնալ «խելագար». նրա նման, մի ընկեր գտնել, սիրել և սիրվել նրանից, միմյանց ձեռքը սեղմել ամրապես և թողնելով հանգստություն, հաճոյանալու ձգտումներ, թողնելով ծնող, կին և հանգիստ

կյանք լինել «խելագար» — այդպես խելագար, բայց միևնույն ժամանակ կրակ սփռող, գործող և շարժուն «խելագար»...

Եվ ահա, հետզհետե պատկերացավ ուսուցչի առաջ խելագարը իր բոլոր վսեմությամբ, ուղղաձիգ, հպարտ, աշխույժ ու խանդով լի, կնճռոտ, խորշումուտ դեմքով... հալումաշ մարմին, հոգնած, փոշոտ, հալածված լրբերից, ամբոխից, քարկոծված, բայց դեմքը պայծառ, գրեթե լուսաթաթախ, ձեռքերը ամուր սեղմած կուրծքի վրա...

Եվ նրա կողքին էլ, ժայռին կոթնած ասպետը՝ որ անդրդվելի ու համառ, նիզակը ժայռին ցցած՝ մնում է ամրոցի տակ և ո՛չ ձյունն ու քամին, ո՛չ էլ արևն ու խորշակը չեն կարողանում նրան հեռացնել իդեալից. և նա սիրում է, սիրում ու մեռնում... քարանում իր դրոշի, իր սիրածի կողքին...

Այո, դառնալ «խելագար», լինել ասպետ և համառ տոկունությամբ տանել ժողովրդին ճշմարիտ մարգարիտներ, ապրելով նրա մեջ, ընկերանալով նրա վշտերին, գործելով նրա հարության ու փրկության համար...